



14
1544
137



14
1544
137

全五代詩卷七十六

羅江李調元雨村編

闕

韓偓

與吳子華侍郎同年玉堂同直懷恩敘懇因成長句四韻兼呈諸同年

往年鶯谷接清塵今日鼇山作侍臣二紀計偕勞筆研

全舉詩多
久因朝宣入掌絲綸聲名烜赫文章士金紫雍容

富貴身終感恩深無路報語餘相願却酸辛

再思

全五代詩卷七十六

1544
137

全五代詩卷七十六

羅江李調元雨村編

閩

韓偓

與吳子華侍郎同年玉堂同直懷恩敘懇因成長
句四韵兼呈諸同年

往年鶯谷接清塵今日鼇山作侍臣二紀計偕勞筆研

余與子華俱
久困夕場一朝宣入掌絲綸聲名烜赫文章士金紫雍容

富貴身絳帳恩深無路報語餘相願却酸辛

再思

全五代詩

卷七十六

閩

一

暴殄猶來是片時無人向此路遲疑流金鑠石玉長潤
敗柳凋花松不知但保行藏天是證莫矜纖巧鬼難欺
近來更得窮經力好事臨行亦再思

味道

如含瓦礫竟何功癡點相兼似得中心繫是非徒悵望
事須光景旋虛空升沈不定都如夢毀譽無恒却要聾
弋者甚多應扼腕任他閑處指冥鴻

李太舍池上玩紅薇醉題

花低池小水泮泮花落池心片片輕醕酌不能羞白鬢
顛狂猶自睠紅英乍為旅客顏常厚每見同人眼暫明

京洛園林歸未得天涯相顧一含情

閑居

厭聞趨競喜閑居自種蕪菁亦自鋤麋鹿跳梁憂觸撥
鷹鷂搏擊恐龐疎拙謀却為多循理所短深慚盡信書
刀尺不虧繩墨在莫疑張翰戀鱸魚

雨後月中玉堂閑坐

銀臺直北金鑾外暑雨初晴皓月中唯對松篁聽刻漏
更無塵土翳虛空綠香熨齒冰盤果清冷侵肌水殿風
夜久忽聞鈴索動玉堂西畔響丁東

禁署嚴密非本院人雖有公事不敢遽入至于內
夫人宣事亦先引鈴每有文書即內臣立于門外鈴
聲動本院小判官出受訖授院使院使授學士

宮柳

莫道秋來芳意違宮娃猶似妬蛾眉幸當玉輦經過處
不怕金風浩蕩時草色長承垂地葉日華先動映樓枝
澗松亦有凌雲分爭似移根太液池

辛酉歲冬十一月隨駕幸岐下作

曳裾談笑殿西頭忽聽征鏡從冕旒鳳蓋行時移紫氣
鸞旗駐處認皇州曉題御服頒羣吏夜發宮嬪詔列侯
雨露涵濡三百載不知誰擬殺身酬

冬至夜作

天復一年壬戌
隨駕在鳳翔府

中宵忽見動葭灰料得南枝有早梅四野便應楷草綠

九重先覺凍雲開陰冰莫向河源塞陽氣今從地底迴
不道慘舒無定分却憂蚊響又成雷

恩賜櫻桃分寄朝士

在岐下

未許鶯偷出漢宮上林初進半金籠蔗漿自透銀杯冷
朱實相輝玉椀紅俱有亂離終日恨貴將滋味片時同
霜威食檠應難近宜在紗窓繡戶中

訪同年虞部李郎中

天復四年二
月在湖南

策蹇相尋犯雪泥厨烟未動日平西門庭野水漰漰鷺
鄰里短牆咿喔雞未入慶霄君擇肉畏逢華鼓我吹藿
地爐貰酒成狂醉更覺襟懷得喪齊

贈漁者在南湖

箇儂居處近誅茅，枳棘籬蕪用荻梢。盡日風扉從自掩，無人筒釣是誰拋。城方四面墻陰直，江濶中心水脈拗。我亦好閑求老伴，莫嫌遷客且論文。

奉和峽州孫舍人肇荆南重圍中寄諸朝士二篇

時李常侍洵嚴諫議龜李起居殷衡李郎中冉皆

有繼和余久有是債，今至湖南方暇牽課。

敏手何妨誤汰金，敢懷私忿數羊斟。直應宣室還三接，未必豐城便陸沈。熾炭一爐真玉性，濃霜千澗老松心。私恩尚有捐軀誓，况是君恩萬倍深。

征途安敢更遷延，冒入重圍勢使然。衆果却應存苦李，五餅惟恐竭甘泉。多端莫撼三珠樹，密策尋遺七寶鞭。黃篋舫中梅雨裏，野人無事日高眠。

雪中過重湖信筆偶題

道方時險擬如何，謫去甘心隱薜蘿。青草湖將天暗合，白頭浪與雪相和。旗亭臘酎踰年熟，水國春寒向晚多。處困不忙仍不怨，醉來唯是欲傴傴。

寄湖南從事

索寞襟懷酒半醒，無人一為解餘醒。岸頭柳色春將盡，船背雨聲天欲明。去國正悲同旅雁，隔江何忍更啼鶯。

蓮花幕下風流客試與温存謹逐情

欲明

欲明籬被風吹倒過午門因客到開忍苦可能遭鬼笑
息機應免致鷗猜岳僧互乞新詩去酒保頻徵舊債來
唯有狂吟與沈飲時時猶自觸靈臺

梅花

梅花不肯傍春光自向深冬著豔陽龍笛遠吹胡地月
燕釵初試漢宮妝風雖強暴翻添思雪欲侵凌更助香
應笑暫時桃李樹盜天和氣作年芳

病中初聞復官二首

此詩編入甲子歲為天祐之元年詳詩意尚是昭宗遷洛未弒時語

抽毫連夜侍明光執戟三年從省方燒玉謾勞曾歷試
鑠金寧為欠周防也知恩澤招讒口還痛神祇誤直腸
聞道復官翻涕泗屬車何在水茫茫

又挂朝衣一自驚始知天意重推誠青雲有路通還去
白髮無私健亦生曾避暖池將浴鳳却同寒谷乍遷鶯
宦途噉嶮終難測穩泊漁舟隱姓名

湖南梅花一冬再發偶題於花援

湘浦梅花兩度開直應天意別栽培玉為通體依稀見
香號返魂容易迴寒氣與君霜裏退陽和為爾臘前來
天桃莫倚東風勢調鼎何曾用不材

高閣羣公莫忌儂
儂心不在宦名中
嚴光一唾垂綉紫
何允三遺大帶紅
金勁任從千口鑠
玉寒曾試幾爐烘
唯應鬼眼兼天眼
窺見行藏信此翁

失鶴

正憐標格出華亭
况是昂藏入相經
碧落順風初得志
故巢因雨却聞腥
幾時翔集來華表
每日沈吟看畫屏
為報雞羣虛嫉妬
紅塵向上有青冥

贈隱逸

靜景須教靜者尋
清狂何必在山陰
蠶穿窗紙塵侵研
鳥鬪庭花露滴琴
莫笑亂狂方解印
猶勝顛蹶未抽簪

築金總得非名士
况是無人解築金

天鑒

何勞諂笑學趨時
務寔清修勝用機
猛虎十年探尾立
蒼鷹一旦醒心飛
神依正道終潛衛
天鑒衷腸競不違
事歷艱難人始重
九重成後喜從微

江岸閑步

此後壬申年
作在南安縣

一手携書一杖筇
出門何處覓情通
立談禪客傳心印
坐睡漁師著背蓬
青布旗誇千日酒
白頭浪吼半江風
淮陰市裏人相見
盡道途窮未必窮

鵲

全五代詩

卷五

閩

七

偏承雨露潤毛衣黑白分明衆所知
高處營巢親鳳闕
靜時閑語上龍墀化為金印新祥瑞
飛向銀河舊路歧
莫怪天涯樓不穩託身須是萬年枝

感舊

省趨宏閣待貂璫指座深恩刻寸腸
秦苑已荒空逝水
楚天無恨更斜陽時昏却笑朱弦直事過
方聞鎖骨香
入室故寮流落盡
路人惆悵見靈光

驛步

癸酉年在南安縣

暫息征車病眼開况穿松竹入櫻臺
江流燈影向東去
樹遞雨聲從北來物近劉輿招垢膩
風經庾亮污塵埃

高情自古多惆悵賴有南華養不材

惜花

皺白離情高處切膩香愁態靜中深
眼隨片片沿流去
恨滿枝枝破雨淋總得苔遮猶慰意
若教泥污更傷心
臨軒一醖悲春酒明日池塘是綠陰

半醉

水向東流竟不迴紅顏白髮遞相催
壯心暗逐高歌盡
往事空因半醉來雲護雁霜籠澹月
雨連鶯曉落殘梅
西樓悵望芳菲節處處斜陽草似苔

睡起

五代詩

卷六

閩

八

睡起墻陰下藥闌瓦松花白閉柴關斷年不出僧嫌癖
逐日無機鶴伴閑塵土莫尋行止處煙波長在夢魂間
終撐舴艋稱漁叟賒買湖心一崦山

漢江行次

村寺雖深已暗知幡竿殘日迴依依沙頭有廟青林合
驛步無人白鳥飛牧笛自由隨草遠漁歌得意扣舷歸
竹園相接春波暖痛憶家鄉舊釣磯

亂後春日途經野塘

世亂他鄉見落梅野塘晴暖獨裴回船衝水鳥飛還住
袖拂楊花去却來李重舊遊多喪逝子山新賦極悲哀

眼看朝市成陵谷始信昆明有劫灰

甲子歲夏五月自長沙抵醴陵貴就深僻以便疎
慵由道林之南步步勝絕去綠口分東入南小江
山水益秀村籬之次忽見紫薇花因思玉堂及西
掖廳前皆植是花遂賦詩四韻聊寄知心

職在內庭宮闕禁下廳前皆種紫薇花眼明忽傍漁家
見魂斷方驚魏闕賒淺色暈成宮裏錦濃香染著洞中
霞此行若遇支機石又被君平驗海槎

和王舍人撫州飲席贈韋司空

櫻臺掩映入春寒絲竹錦鏐向一作夜闌席上弟兄皆杞

梓花前賓客盡鴛鴦孫宏莫惜頻開閣韓信終期別築
壇削玉風姿官水土黑頭公自古未難

秋村

稻壟菘紅溝水清荻園葉白秋日明空坡路細見騎過
遠田人靜聞水行柴門狼藉牛羊氣竹塢幽深雞犬聲
絕粒看經香一炷心知無事即長生

夜船

野雲低迷煙蒼蒼平波揮目如凝霜月明船上簾幙卷
露重岸頭花木香村遠夜深無火燭江寒坐久換衣裳
誠知不覺天將曙幾簇青山雁一行

六月十七日召對自辰及申方歸本院

清暑簾開散異香恩深咫尺對龍章花應洞裏尋常發
日向壺中特地長坐久忽疑槎犯斗歸來兼恐海生桑
如今冷笑東方朔唯用詼諧侍漢皇

中秋禁直

星斗疎明禁漏殘紫泥封後獨凭闌露和玉屑金盤冷
月射珠光貝闕寒天襯樓臺籠苑外風吹歌管下雲端
長卿祇為長門賦未識君臣際會難

苑中

上苑離宮處處迷相風高與露盤齊金階鑄出狻猊立

玉樹雕成狒狒啼外使調鷹初得按中官過馬不教嘶
笙歌錦繡雲霄裡獨許詞臣醉似泥

小隱

借得茅齋岳麓西擬將身世老鋤犁清晨向市烟含郭
寒夜歸村月照溪爐為宵明僧偶坐松因雪折鳥驚啼
靈椿朝菌由來事却笑莊生始欲齊

避地

西山爽氣生襟袖南浦離愁入夢魂人泊孤舟青草岬
鳥鳴高樹夕陽村偷生亦似符天意未死深疑負國恩
白面兒郎猶巧宦不知誰與正乾坤

息兵

漸覺人心望息兵老儒希覩見澄清正當困辱殊輕死
已過艱危却戀生多難始應彰勁節至公安肯為虛名
暫時胯下何須恥自有蒼蒼鑒赤誠

登南神光寺塔院

無奈離腸日九迴強攄離抱立高臺中華地向城邊盡
外國雲從島上來四序有花長見雨一冬無雪却聞雷
日宮紫氣生冠冕試望扶桑病眼開

秋深閑興

此心兼笑野雲忙甘得貧閑味甚長病起乍嘗新橘柚

金瓶梅詞話 卷七十一
秋深初換舊衣裳晴來喜鵲無窮語雨後寒花特地香
把釣覆棊兼舉白不離名教可顛狂

故都

故都遙想草萋萋上帝深疑亦自迷塞雁已侵池籞宿
官鴉猶戀女牆啼天涯烈士空垂涕地下強魂必噬臍
掩鼻計成終不覺馮驩無路數鳴雞

秋郊閑望有感

楓葉微紅近有霜碧雲秋色滿吳鄉魚衝駭浪雪鱗健
鴉閃夕陽金背光心為感恩長慘感鬢緣經亂早蒼浪
可憐廣武山前語楚漢寧教作戰場

寄禪師

他心明與此心同妙用忘言理暗通氣運陰陽成世界
水浮天地寄虛空劫灰聚散銖銚黑日御奔馳繭栗紅
萬物盡遭風鼓動唯應禪室靜無風

秋山迤逦更斜陽白髭兄弟中年後瘴海程途萬里長
曾向天涯懷此恨見君嗚咽更淒涼

太平谷中玩水上花

山頭水從雲外落水面花自山中來一溪紅點我獨惜
幾樹蜜房誰見開應有妖魂隨暮雨豈無香跡在蒼苔
凝眸不覺斜陽盡忘逐樵人躡石回

贈易卜崔江處士

袁州

白首窮經通祕義青山養老度危時門傳組綬身能退
家學漁樵跡更奇四海盡聞龜策妙九霄堪歎鶴書遲
壺中日月將安用借與閑人試一窺

過臨淮故里

交遊昔歲已凋零第宅今來亦變更舊廟荒涼時饗絕
諸孫飢凍一官成五湖竟負他年志百戰空垂異代名
榮盛幾何流落久遣人襟抱薄浮生

夜坐

天似空江星似波時時珠露滴圓荷平生蹤跡慕真隱
此夕襟懷深自多格是厭厭饒酒病終須的的學漁歌
無名無位堪休去猶擬朝衣換釣蓑

午寢夢江外兄弟

長夏居閑門不開繞門青草絕塵埃空庭日午獨眠覺

旅夢天涯相見迴鬢向此時應有雪心從別處即成灰
如何水陸三千里幾月書郵始一來

江南送別

江南行止忽相逢江館棠梨葉正紅一笑共嗟成往事
半酣相顧似衰翁關山月皎清風起送別人歸野渡空
大抵多情應易老不堪歧路數西東

隰州新驛贈刺史

賢侯新換古長亭先定心機指顧成高義盡招秦逐客
曠懷偏接魯諸生萍蓬到此銷離恨燕雀飛來帶喜聲
却笑昔賢交易極一開東閣便垂名

重遊曲江

追尋前事立江汀漁者應聞太息聲避客野鷗如有感
損花微雪似無情疎林自覺長堤在春水空連古岸平
惆悵引人還到夜鞭鞘風冷柳煙輕

傷春

三月光景不忍看五陵春色何摧殘窮途得志反惆悵
飲席話舊多闌珊中酒向陽成美睡惜花衝雨覺傷寒
野棠飛盡蒲根暖寂寞南溪倚釣竿

及第過堂日作

早隨真侶集蓬瀛闔闔開尚見星龍尾樓臺迎曉日

鼇頭宮殿入青冥暗驚凡骨升仙籍忽訝麻衣謁相庭
百辟斂容開路看片時輝赫勝圖形

夏課成感懷

別離終日心忉忉五湖煙波歸夢勞淒涼身事夏課畢
濩落生涯秋風高居世無媒多困蹟昔賢因此亦號咷
誰憐愁苦多衰改未到潘年有二毛

離家第二日却寄諸兄弟

睡起寒簾日出時今辰初恨間容輝千行淚激傍人感
一點心隨健步歸却望山川空黯黯迴看僮僕亦依依
定知兄弟高樓上遙指征途羨鳥飛

八月六日作四首

集云壬申年作然此詩自紀朱溫弒昭宗事甲子年所作也意溫於壬申年被弒此詩方敢出故附之壬申耳調元按唐書元祐元年八月壬寅全忠以左右龍武軍朱友恭氏外琮樞密使將元暉兵犯官門是夕昭宗皇帝崩年三十八此詩紀其事也

日離黃道十年昏敏手重開造化門火帝動爐銷劍戟

風師吹雨洗乾坤左牽犬馬誠難測禮效馬羊者右牽之取其便效犬者左牽之防其齧

右袒簪纓最負恩丹筆不知誰定罪莫留遺跡怨神

前四語紀昭宗天復及正事後四語紀甲子事神孫殆指哀宗

金虎挺災不復論構成狂獠犯車塵御衣空惜侍中血

國璽幾危皇后身圖霸未能知盜道飾非唯欲害仁人

黃旗紫氣今仍舊免使老臣攀畫輪黃旗紫氣句似猶有望于哀宗

簪裾皆是漢公卿盡作鋒鋌劍血腥顯負舊恩歸亂主

難教新國用輕刑穴中狡兔終須盡井上嬰兒豈自寧
底事亦疑懲未了更應書罪在泉扃

用輕刑指蔣元暉朱友恭氏叔琮輩穴中狡兔附逆

坐看包藏負國恩無才不得預經綸袁安墜睫尋憂漢

賈誼濡毫但過秦威鳳鬼應遮矢射靈犀天與隔埃塵

隄防瓜李能終始免愧於心負此身

此篇自謂也避矢射言免禍隔埃塵言免汚

唐音戊籤按史稱偃直內禁屢參密謀為全忠所忌又侍宴時全忠臨陛宣事眾皆去席偃守禮不為動全忠以為薄已其云危將虎鬚

安貧

手風慵展八行書眼暗休尋九局圖
案頭筠管長蒲盧謀身拙為安蛇足報國危曾將虎鬚

非獨薦趙崇一事也撫言廣記所載似未盡然

舉世可能無默識未知誰擬試齊竽

殘春旅舍

旅舍殘春宿雨晴恍然心地憶咸京
樹頭蠶抱花鬚落池面魚吹柳絮行

禪伏詩魔歸淨域酒衝愁陣出奇兵

兩梁免被塵埃汚拂拭朝簪待眼明

余卧病深村聞一二郎官今稱繼使聞越笑余迂

古潛於異鄉聞之因成此篇

枕流方采北山薇驛騎交迎市道兒
霧豹祇憂無石室泥鱗唯要有滄池

不羞蒼卓黃金印却笑羲皇白接離

莫負美名書信史清風掃地更無遺

卜隱

屏跡還應減是非却憂藍玉又光輝
桑梢出舍蚕初老柳絮蓋溪魚正肥
世亂豈容長愜意景清還覺易忘機
世間華美無心問藜藿充腸苧作衣

丙寅二月二十二日撫州如歸館雨中有懷諸朝

客

悽悽惻惻又微頻欲話羈愁憶故人
薄酒旋醒寒徹夜好花虛謝雨藏春
萍蓬已恨為逋客江嶺那知見侍臣
未必交情繫貧富柴門自古少車塵

疎雨

疎雨從東送疾雷小庭涼氣淨莓苔
卷簾燕子穿人去洗研魚兒觸手來
但欲進賢求上賞唯將拯溺作良媒
戎衣一挂清天下傳野非無濟世才

南安寓止

此地三年偶寄家枳籬茅廠共桑麻
蝶矜翅暖徐窺草蟲倚身輕凝着花
天近函關屯瑞氣水侵吳甸浸晴霞
豈知卜肆嚴夫子潛指星機認海槎

有感

堅辭羽葆與吹鏡翻向天涯困繫匏
故老未曾忘炙背何人終擬問苞茅
融風漸暖將迎雁滄水猶腥近斬蛟

萬里關山如咫尺女牀唯待鳳歸巢

春盡

惜春連日醉昏昏醒後衣裳見酒痕細水浮花歸別澗
斷雲含雨入孤村人閑易有芳時恨地勝難招自古魂
慚媿流鶯相厚意清晨猶為到西園

傷亂

岸上花根總倒垂水中花影幾千枝一枝一影寒山裏
野水野花清露時故國幾年猶戰鬥異鄉終日見旌旗
交親流落身羸病誰在誰亡兩不知

湖南絕少合桃偶有人以新摘者見惠感事傷

懷因成四韻

時節雖同氣候殊不知堪薦寢園無合充鳳食留三島
誰許鶯偷過五湖苦筍恐難同象匕酪漿無復瑩蟻珠
金鑿歲歲長宣賜忍淚看天憶帝都

贈湖南李思齊處士

兩板船頭濁酒壺七絳琴畔白鬢鬚三春日日黃梅雨
孤客年年青草湖燕俠冰霜難狎近楚狂鋒刃觸几愚
知余絕粒窺仙事許到名山看藥鑪

亂後却至近甸有感

狂童容易犯金門比屋齊人作旅魂夜戶不扃生茂草

春渠自溢浸荒園關中忽見屯邊卒塞外翻聞有漢村
堪恨無情清渭水渺茫依舊繞秦原

避地寒食

避地淹留已自悲况逢寒食欲霑衣濃春孤館人愁坐
斜日空園花亂飛路遠漸憂知己少時危又與賞心違
一名所繫無窮事爭敢當年便息機

山驛

參差西北數行雁寥落東方幾片雲疊石小松張水部
暗山寒雨李將軍秋花粉黛宜無味獨鳥笙簧稱靜聞
瀟灑襟懷遺世慮驛樓紅葉自紛紛

早發藍關

關門愁立候雞鳴搜景馳魂入杳冥雲外日隨千里雁
山根霜共一潭星路盤暫見樵人火棧轉時聞驛使鈴
自問辛勤緣底事半年驅馬傍長亭

三月

辛夷纔謝小桃發蹋青過後寒食前四時最好是三月
一去不迴唯少年吳國地遙江接海漢陵魂斷草連天
新愁舊恨真無奈須就鄰家甕底眠

惜春

願言未偶非高卧多病無慘選勝遊一夜雨聲三月盡

萬般人事五更頭年踰弱冠即為老節過清明却似秋
應是西園花已落滿溪紅片向東流

冬日

蕭條古木銜斜日戚瀝晴寒滯早梅愁處雪烟連野起
靜時風竹過牆來故人每憶心先見新酒偷嘗手自開
景狀入詩兼入畫言情不盡恨無才

老将

折槍黃馬倦塵埃掩耳凶徒怕疾雷雪密酒酣偷號去
月明衣冷斫營回行驅貔虎披金甲立聽笙歌擲玉杯
坐久不須輕矍鑠至今雙掌硬弓開

歸紫閣下

一笈携歸紫閣峰馬蹄閑慢水溶溶黃昏後見山田火
隴臆時聞縣郭鐘瘦竹迸生僧坐石野藤纏殺鶴翹松
釣磯自別經秋雨長得莓苔更幾重

曲江夜思

鼓聲將絕月斜痕園外閑坊半掩門池裏紅蓮凝白露
苑中青草伴黃昏林塘閑寂偏宜夜煙火稀疏便似村
大抵世間幽獨景宦關詩思與離魂

過漢口

濁世清名一概休古今翻覆賸堪愁年年春浪來巫峽

日日殘陽過沔州居雜商徒偏富庶地多詞客自風流
聯翩半世騰騰過不在漁船即酒樓

格卑

格卑嘗恨足牽仍欲學忘情似不能入意雲山輸畫匠
動人風月羨琴僧南朝峻潔推宏景東晉清狂數李鷹
惆悵後塵流落盡自拋懷抱醉懵騰

再止廟居

去值秋風來值春前時今日共銷魂頽垣古柏疑山觀
高柳鳴鴉似水村菜甲未齊初出葉樹陰方合掩重門
幽深凍餒皆推分靜者還應為討論

朝退書懷

鶴帔星冠羽客裝寢樓西畔坐書堂山禽養久知八喚
窗竹芟多漏月光粉壁不題新拙惡小屏唯錄古篇章
孜孜莫患勞心力富國安民理道長

余作探使以繚綾手帛子寄賀因而有詩

解寄繚綾小字封探花筵上映春叢黛着印在微微綠
檀口消來薄薄紅綆處直應心共緊研時兼恐汗先融
帝臺春盡還東去却繫蓆腰伴雪胷

別錦兒

及第後出京別
錦兒與蜀妓

一尺紅綃一首詩贈君相別兩相思畫眉今日空留語

解佩他年更可期
臨去莫論交頸意
清歌休著斷腸詞
出門何事休惆悵
曾夢良人折桂枝

洞庭玩月

洞庭湖上清秋月
皎湖寬萬頃霜
玉椀深沉潭底白
金杯細碎浪頭光
寒驚烏鵲離巢噪
冷射蛟螭換窟藏
更憶瑤臺逢此夜
水晶官殿挹瓊漿

殘花

餘霞殘雪幾多在
蕙香冶態猶無窮
黃昏月下惆悵白
清明雨後寥稍紅
樹底忡忡齊千片
淨牆頭風急數枝空
西園此日傷心處
一曲高歌水向東

北齊二首

任道驕奢必敗亡
且將繁盛悅嬪嬙
幾千簾鏡成樓柱
六十間雲號殿廊
後主獵迴初按樂
胡姬酒醒更新妝
綺羅堆裡春風畔
年少多情一帝王
神器傳時異至公
敗亡安可怨息息
犯寒獵士朝頻戮
告急軍書夜不通
并部義旗遮日暗
鄴城飛燄照天紅
周朝將相還無體
寧死何須入鐵籠

守愚

深院寥寥竹蔭廊
披衣欹枕過年芳
守愚不覺世途險
無事始知春日長
一畝落花圍隙地
半竿斜日界空牆

今来自責趨時嬾翻恨松軒書滿牀

此處有非常淡化的印刷文字，內容與右頁詩句相呼應，但字跡極其模糊，難以辨認。

全五代詩卷七十八

編

閩

韓偓三

寄隱者

煙郭雲扁路不遙
懷賢猶覺太迢迢
長松夜落釵千股
小港春添水半腰
已約病身拋印綬
不嫌門巷似漁樵
渭濱晦迹南陽卧
若比吾徒更寂寥

贈僧

盡說歸山避戰塵
幾人終肯別囂氛
併添澗水盛將月

全五代詩

卷七十八

閩

一

衲挂松枝惹得雲三接舊承前席遇一靈今用戒香熏
相逢莫話金鑿事觸撥傷心不願聞

春陰獨酌寄同年虞部李郎中

在湖南

春陰漠漠土脈潤春寒微微風意和閑啜入甲奔競態
醉唱落調漁樵歌詩道揣量疑可進宦情剗缺轉無多
酒酣狂興依然在其奈千莖鬢雪何

翫水禽

雨雨珍禽渺渺溪翠衿紅掌淨無泥向陽眠處莎成毯
蹋水飛時浪作梯依倚雕梁輕社燕抑揚金距笑晨雞
勸君細認漁翁意莫遣緇羅誤穩棲

遊江南水陸院

早於喧雜是深雉猶恐行藏墜俗流高寺嬾為攜酒去
名山長恨送人遊關河見月空垂淚風雨看花欲白頭
除却祖師心法外浮生何處不堪愁

余自刑部員外郎為時權所擠值盤石出鎮藩屏
朝選賓佐以余充職掌記鬱鬱不樂因成長句寄
所知

正叨清級忽從戎況與燕臺事不同開口謾勞矜道在
撫膺唯合哭途窮操心未省趨浮俗點額尤慙自至公
他日陶甄尋墜履滄洲何處覓漁翁

村居

二月三月雨晴初
舍南舍北唯平蕪
前懽入望盈千恨
勝景牽心非一途
日照神堂聞啄木
風含社樹叫提壺
行看旦夕黎霜發
猶有山寒傷酒壚

地爐

兩星殘火地爐畔
夢斷背燈重擁衾
側聽空堂聞靜響
似敲疎磬裊清音
燈有影隨籠轉臘
雪無聲逐夜深
禪客釣翁徒自好
那知此際湛然心

元夜即席

元宵清景亞元正
絲雨霏霏向晚傾
杜兔韜光雲葉重

燭龍銜耀月輪明
煙空但仰如膏潤
綺席都忘滴砌聲
更待今宵開霽後
九衢車馬未妨行

同年前虞部李郎中自長沙赴行在余以紫石研
贈之賦詩代書

斧柯新樣勝珠璣
堪贊星郎染翰時
不向東垣修直疏
即須西掖草妍詞
紫光稱近丹青筆
聲韻宜裁錦繡詩
蓬島侍臣今放逐
羨君迴去逼龍墀

邊上看獵贈元戎

繡簾臨曉覺新霜
便遣移厨校獵場
燕卒鐵衣圍漢相
魯儒戎服從梁王
搜山閃閃旗頭遠
出樹斑斑豹尾長

贊獲一聲連朔漠，賀杯環騎舞優倡。軍迴野靜秋天白，
角怨城遙晚照黃。紅袖擁門持燭炬，解勞今夜宴華堂。

錫宴日

作是歲大稔內出金幣賜百官充觀稼宴學士院別賜繡綾百匹委京兆府公當後一日宴宰相於興化亭天復元年

辛酉也

玉銜花馬踏香街，詔遣追權綺席開。中使押從天上去，

是日在外四學士排門齊入同進狀辭赴宴所奉宣差學士院使二人押去

外人知自日邊來，臣心淨比

漪漣水，聖澤深於漱灑杯。纔有異恩頒稷契，已將優禮

及鄒枚。清商適向梨園降，妙妓新行峽雨迴。不敢通宵

離禁，直晚乘殘醉入銀臺。

當直學士二人至晚學士院使二人却押入直餘四人在外可以卜夜內臣去外知

熟間丞郎給舍多來宴宴余是日當直故有是句

喜涼

辛未南安縣

爐炭燒人百疾生，鳳狂龍躁滅心情。四山毒瘴乾坤濁，

一簟涼風世界清。楚調忽驚淒玉柱，漢宮應已濕金莖。

豪強頓息蛙唇吻，爽利重新鵲眼睛。穩想海查朝犯斗，

健思胡馬夜翻營。東南亦是中華分，蒸鬱相凌太不平。

野釣

細雨桃花水，輕鷗逆浪飛。風頭阻歸棹，坐睡倚蓑衣。

曲江晚思

雲物陰凝歷竹木，寒青蒼水冷鷺鷥。鷺立煙月愁昏黃，

與僧

全五代詩

卷八

閩

四

江海扁舟客雲山一衲僧相逢兩無語若個是南能

答友人見寄酒

雖可忘憂矣其如作病何淋漓滿襟袖更發楚長歌

從獵三首

天復元年
翰苑作

獵犬諳斜路宮嬪識認旗馬前雙兔起宣示羽林兒

小鎗狹鞭鞘鞍輕妓細腰有時齊走馬也學唱交交

蹀躞巴陵駿毳毼碧野雞忽聞仙樂動賜酒玉偏提

花時與錢尊師同醉因成二十字

甲子體
陵作

橋下淺深水竹間紅白花酒仙同避世何用厭長沙

大甫

金鳳外傳小吏歸守明弱冠自哲如玉延鈞壁之日侍禁中賞
緣與閩后金鳳通百工院使李可殷因歸即以通于金鳳造縷

金九龍帳于長春宮極其靡麗後李倣盛飾其妹春燕以進冊為賢妃不
復御九龍帳矣元夕御大酺殿觀燈賜宴各賦大酺樂前翰林學士承旨
韓偓感長春宮
失寵賦詩云云

淚滴珠難盡容殊玉易銷儻隨明月去莫道夢魂遙

思歸樂

晚日催絃管春風入綺羅杏花如有意偏落舞衫多

偶題

俟時輕進固相妨實行丹心仗彼蒼蕭艾轉肥蘭蕙瘦

可能天亦妬馨香

招隱

立意忘機機已生可能朝市汗高情時人未會嚴陵志

不釣鱸魚只釣名

夏夜

猛風飄電黑雲生
霎霎高林簇雨聲
夜久雨休風又定
斷雲流月却斜明

流年

三月傷心仍悔日
一春多病更陰天
雄豪亦有流年恨
况是離魂易黯然

曲江秋日

斜煙縷縷鷺鷥棲
藕葉枯香折野泥
有個高僧似圖畫
把經吟立水塘西

雨村

鴈行斜拂雨村樓
簾下三重幕一鈎
倚柱不知身半溼
黃昏獨自未回頭

晚岸

揭起青艤上岸頭
野花和雨冷修修
春江一夜無波浪
校得行人分外愁

初赴期集

重入香奩集者誤

輕寒著背雨淒淒
九陌無塵未有泥
還是平時舊滋味
慢垂鞭袖過街西

秋雨內宴

全五代詩 卷二
一帯清風入畫堂
撼真珠箔碎玳瑁
更看檻外霏霏雨
似勸須教醉玉觴

舊館

前歡往恨分明在
酒興詩情大半亡
還是塘西紫荆樹
殘花摘索映高塘

闌干

掃花雖恨夜來雨
把酒却憐晴後寒
吳質謾言愁得病
當時猶不凭闌干

驛樓

流雲溶溶水悠悠
故鄉千里空回頭
三更獨凭闌干月

淚滿關山孤驛樓

商山道中

雲橫峭壁水平鋪
渡口人家日欲晡
却憶往年看粉本
始知名畫有工夫

并州

戍旗青草接榆關
雨裏并州四月寒
誰會憑闌潛忍淚
不勝天際似江干

過茂陵

不悲霜露但傷春
孝理何因感兆民
景帝龍髯消息斷
異香空見李夫人

使風

茶香睡覺心無事一卷黃庭在手中
欹枕捲簾江萬里舟人不語滿帆風

阻風

平生情趣羨漁師此日煙江愜所思
肥鰕香杭小艫艤斷腸滋味阻風時

仙山

一炷心香洞府開偃松皴澁半莓苔
水清無底山如削知有仙人騎鶴來

頻訪盧秀才盧時在選未

藥訣基經思致論柳腰蓮臉本忘情
頻頻強入風流坐酒肆應疑阮步兵

贈友人

莫嫌談笑與經過却恐閒多病亦多
若遣心中無一事不知爭奈日長何

中春憶贈

年年長是阻佳期萬種恩情只自知
春色轉添惆悵望似君花發兩三枝

寄禪師

從無入有雪峯聚已有還無電火銷
銷聚本來皆是幻

世間閒口漫囂囂

以庭前海棠梨花一枝寄李十九員外

二月春風澹蕩時
旅人虛對海棠梨
不如寄與星郎去
想得朝回正畫眉

侍宴

天復元年翰林作
用宮嬪傳命故云

蜂黃蝶粉兩依依
狎宴臨春日正遲
密旨不教江令醉
麗華微笑認皇慈

和吳子華侍郎令狐昭化舍人歎白菊衰謝之絕

次用本韵

正憐香雪披千片
忽訝殘霞覆一叢
此花將謝却有紅色
還似妖姬

長年後酒酣雙臉却微紅

秋霖夜憶家

天復二年
隨駕鳳翔

垂老何時見弟兄
背燈愁泣到天明
不知短髮能多少
一滴秋霖白一莖

曛黑

甲子醴
陵作

古木侵天日已沈
露華涼冷潤衣襟
江城曛黑人行絕
唯有啼鳥伴夜砧

曉日

天際霞光入水中
水中天際一時紅
直從日觀三更後
自注日觀
半夜見日
首送金烏上碧空

全五代詩

卷之二

閩

九

醉著

萬里清江萬里天一村桑柘一村煙漁翁醉著無人喚
過午醒來雪滿船

柳元在香奩集
詠柳第二首

一籠金線拂鸞橋幾被兒童損細腰無奈靈和標格在
春來依舊裏長條

淨興寺杜鵑一株繁艷無比

一園紅艷醉坡陀自地連梢簇舊羅蜀魄未歸長滴血
祇應偏滴此叢多

翠碧鳥

天長水遠網羅稀保得重重翠碧衣挾彈小兒多害物
勸君莫近市朝飛

家書後批二十八字時間長
在登州

四序風光總是愁鬢毛衰颯涕橫流此書未到心先到
想見孤城海岸頭

贈孫仁本尊師在袁
州

齒如冰雪髮如鬢幾百年來醉似泥不共世人爭得失
卧牀前有上天梯

荔枝三首丙寅年
福州

遐方不許貢珍奇密詔唯教進荔枝漢武碧桃爭比得

枉令方朔號偷兒

封開玉籠鷄冠澁葉襯金盤鶴頂鮮想得佳人微啓齒
翠釵先取一枝懸

巧裁霞片裏神漿崖蜜天然有異香應是仙人金掌露
結成冰入茜羅囊

寄上兄長

唐書侄儀官御史中丞
僇貶之明年亦貶棣州

兩地支離路八千襟懷悽愴鬢蒼然亂來未必長團會
其奈而今更長年

寶劍

困極還應有甚通難將糞壤掩神蹤斗間紫氣分明後

擘地成川看化龍

有甚通萬首絕句作有日通後二句
作但教出得豐城後不是延津亦化龍

兩賢

賣卜嚴將賣餅孫兩賢高趣恐難倫而今若有逃名者

應被品流呼差人

差千個切與蹉同足跌也又過也言其人
之可怪也近本萬首絕句改為俗字誤

鄭左丞入洛一絕請為申達京洛親交知余病廢

已已

鬢惹新霜耳舊聵眼昏腰曲四肢風交親若要知形候
嵐嶂煙中折臂翁

建溪灘波心目驚眩余平生溺奇境今則畏怯不

暇因書二十八字

是年至
邵武

長貪山水羨漁樵自笑揚鞭趁早朝今日建溪驚恐後
李將軍畫也須燒

自沙縣抵九溪縣值泉州軍過後村落皆空因有

一絕 庚午

水自潺湲日自斜盡無鷄犬有鳴鴉千村萬落如寒食
不見人煙空見花

騰騰 庚午桃
林場作

八年流落醉騰騰點檢行藏喜不勝烏帽素餐兼施藥
前身多恐是醫僧

中秋永夕奉寄楊學士兄弟

鱗差甲子漸衰遲依舊年年因亂離八月夜長鄉思切
鬢邊添得幾莖絲

僧影

山色依然僧已亡竹間疎磬隔殘陽智燈已滅餘空燼
猶自光明照十方

清興 辛未年
南安縣

陰沈天氣連翩醉摘索花枝掠 去聲 峭寒擁鼻遶廊吟看
雨不知遺却竹皮冠

船頭

兩岸綠蕪齊似翦掩映雲山相向晚船頭獨立望長空

全五代詩
卷三十一
日艷波光逼人眼

雷公

閒人倚柱笑雷公又向深山霹怪松
必若有蘇天下意何如驚起武侯龍

野塘

侵曉乘涼偶獨來不因魚躍見萍開
卷荷忽被微風觸瀉下清香露一杯

即日

書墻暗記移花日洗甕先知醞酒期
須信閒人有忙事早來衝雨覓漁師

訪隱者遇沈醉書其門而歸

曉入江村覓釣翁釣翁沈醉酒缸空
夜來風起閒花落狼籍柴門鳥徑中

寄鄰莊道侶

聞說經旬不啟關藥牕誰伴醉開顏
夜來雪壓村前竹剩見溪南幾尺山

觀雞鬪偶作

何曾解報稻梁恩金距花冠氣遏雲
白日梟鳴無意問唯將芥羽害同羣

蜻蜓

全五代詩

卷三十一

十三

金玉代詩 卷三
碧玉眼睛雲母翅輕於粉蝶瘦於蜂坐來迎拂波光久
豈是殷勤為蓼叢

十月七日早起作時氣疾初愈

疾愈身輕覺數通山無嵐瘴海無風陽精欲去陰精落
天地苞含紫氣中

全五代詩卷七十九

羅江李調元雨村 編

閩

韓 偓^四

香奩集 并序

余溺章句信有年矣誠知非丈夫所為不能忘
情天所賦也自庚辰辛巳之際迄辛丑庚子之
間所著歌詩不啻千首其間以綺麗得意者亦
數百篇往往在士大夫之口或樂工配入聲律
粉墻椒壁斜行小字竊咏者不可勝記大盜入



關緗帙都墜遷徙不常厥居求生草莽之中豈
復以吟諷為意或天涯逢舊識或避地遇故人
醉咏之暇時及拙唱自爾鳩輯復得百篇不忍
棄捐隨時編錄遐思宮體未降稱庾信攻文却
誚玉臺何必倩徐陵作序麗得捧心之態幸無
折齒之慙柳巷青樓未嘗糠粃金閨繡戶始預
風流咀五色之靈芝香生九竅咽三危之瑞露
春動七情如有責其不經亦望以功掩過翰林
學士承旨行尚書戶部侍郎知制誥韓偓序

詩話世傳香奩集江南韓熙載所為誤沈存中筆談又謂漢相和凝所為後貴惡其側艷嫁名於偓亦非也余家有唐吳融詩一集其中有和

韓致堯無題三首與香奩佳亦中無題韻正同而偓序中亦具載其事又
余曾在溫陵於偓裔孫柵處見偓親書所作詩一卷雖紙墨昏淡而字
宛然其衷娜多情春盡等詩多在卷中此可驗矣偓富於才情詞致婉
麗能道人意外事固非凝所及據北夢瑣言云凝少年好為小詞令布
於汴洛洎作相專令人收拾焚毀契丹入寇號為曲子相公然則凝雖
有集名香奩與偓同乃浮艷小詞耳安得便以今世所行香奩集為凝
作邪 許彥周詩話云高秀實言元微之詩艷麗而有骨韓偓香奩集
麗而無骨李端叔喜偓詩常誦其序咀五色云云不能已秀實云勸不
也得也

春晝

春融艷艷大醉陶陶漏添遲日箭減良宵藤垂戟戶柳
拂浮橋簾幕燕子池塘伯勞膚清臂瘦衫薄香銷楚殿
衣窄南朝髻高河南縣遠清波地遙絲纏露泣各自無
慘

五更

秋雨五更頭桐竹鳴騷屑却似殘春間斷送花時節空樓鴈一聲遠屏燈半滅繡被擁嬌寒眉山正愁絕

半夜

板閣數樽後至今猶酒悲一宵相見事半夜獨眠時明朝牕下照應有髮如絲

南浦

月若半環雲若吐高樓簾卷當南浦應是石城艇子來兩槳咿啞過花塢正直連宵酒未醒不宜此際兼微雨直教筆底有文星亦應難狀分明苦

寄遠

在岐
日作

眉如半照一作月雲如鬟梧桐葉落敲井乾孤竹亭亭公署寒微霜淒淒客衣單想佳人兮雲一端夢魂悠悠關山難空牀展轉懷悲酸銅壺漏盡開金鸞

惆悵

身情常在暗相隨生魄隨君君豈知被頭不暖空沾淚釵股欲分猶半疑朗月清風難愜意詞人絕色多傷離何如飲酒連千一作年醉席地幕天無所知

意緒

絕代佳人何寂寞梨花未發梅花落東風吹雨入西園

銀線千條度虛閣臉粉難勻蜀酒濃口脂易印吳綾薄
嬌嬈意緒不勝羞願倚郎肩永相著

後魏時相州人作李波小妹歌疑其未備因補之

北史廣平人李波宗族疆威殘掠不已公私咸患百姓為之語曰李波小妹
字雍容褰裙逐馬如卷蓬左射右射必疊雙頰女尚如此男子安可逢相州
刺史李安世設方畧誘波等殺之宗姚寬以為本辭無關
閨情所補不合然安知當時不別有所感托之此女子乎

李波小妹字雍容窄衣短袖蠻錦紅未解有情夢梁殿
何曾自媚妬吳宮誰教牽引知酒味因令悵望成春慵
海棠花下鞦韆畔背人掠鬢道怱怱

三憶

憶眠時春夢困騰騰展轉不能起玉釵垂枕稜

憶行時背手移金雀欽笑慢回頭步轉闌干角
憶去時向月遲遲行強語戲同伴圖郎聞笑聲

玉合

羅囊繡兩鳳凰玉合雕雙鷓鴣中有蘭膏漬紅豆每回
拈著長思憶長思憶經幾春人悵望香氣氤開緘不見
新書跡帶粉猶殘舊指痕

金陵

風雨蕭蕭石頭城下木蘭橈煙月迢迢金陵渡口去來
潮自古風流皆暗銷才鬼妖魂誰與招綵牋麗句徒已
矣羅襪金蓮何寂寥

厭花落

厭花落人寂寞果樹陰成燕翅齊西園永日間高閣後
 堂夾簾愁不卷低頭悶把衣襟撚忽然事到心中來四
 肢嬌入茸茸眼也曾同在華堂宴佯佯攏鬢偷迴面半
 醉狂心恐不禁分明一任傍人見書中說却平生事猶
 疑未滿情郎意錦囊封了又重開夜深牕下燒紅紙紅
 紙千張言不盡至誠無語傳心印但得鴛衾枕臂眠也
 任時光都一瞬

幽牕

刺繡非無暇幽牕自妙歡手香江橘嫩齒軟越梅酸密

約臨行怯

欲報難無憑諳鵲語猶得暫心寬

馬上見

驕馬錦連乾乘騎是謫仙和裙穿玉鐙隔袖把金鞭去
 帶情騰醉歸困困頓眠自憐輸殿吏餘煖在香羈

欲去

紛紜隔牕語重約踏青期縱得相逢處無非欲去時恨
 深書不盡寵極意多疑惆悵桃源路誰教夢寐知

信筆

睡髻休頻攏春眉忍更長整釵梳子重泛酒菊花香繡
 疊昏金色羅揉損研光有時間弄筆亦畫兩鴛鴦

薦福寺講筵偶見又別

見時濃日午別處暮鐘殘景色疑春盡襟懷似酒闌兩
情含眷戀一餉致辛酸夜靜長廊下誰尋履齒看

個儂

甚感殷勤意其如阻碍何隔簾窺綠齒映柱送橫波老
大逢知少襟懷暗喜多因傾一樽酒聊以慰蹉跎

荷花

鈿扇相歌綠香囊獨立紅浸淫因重露狂暴是秋風逸
調無人唱秋塘每夜空何由見周昉移入畫屏中

春盡日

樹頭初日照西簷樹底蕙花夜雨露外院池亭聞動鎖
後堂欄檻見垂簾柳腰入戶風斜倚榆莢堆墻水半淹
把酒送君惆悵在年年三月病厭厭

見花

寒裳擁正吟詩日午墻頭獨見時血染蜀羅山躑躅
肉紅宮錦海棠梨因狂得病真閒事欲詠無才是所悲
看却東風歸去也爭教判得最餘枝

青春

眼意心期卒未休暗中終擬約秦樓光陰負我難相偶
情緒牽人不自由遙夜定嫌香蔽膝悶時應弄玉搔頭

全五言
卷十九
櫻桃花謝梨花發腸斷青春兩處愁

橫塘

秋寒灑背入簾霜鳳脰燈青照洞房蜀紙麝煤添筆媚
越甌犀液發茶香風飄亂點更籌轉拍送鯨絃曲破長
散客出門斜月在兩眉愁思向橫塘

五更

往來曾約鬱金牀半夜潛身入洞房懷裏不知金鈿落
暗中惟覺繡鞵香此時欲別魂俱斷自後相逢眼更狂
光景旋消惆悵在一生贏得是淒涼

詠浴

再整魚犀攏翠簪解衣先覺冷森森教移蘭燭頻羞影
自試香湯更怕深初似洗花難抑按終憂沃雪不勝任
豈知侍女簾幃外賸取君王幾餅金

席上有贈

矜嚴標格絕嫌猜嗔怒難逢笑眼開小鴈斜侵眉柳去
媚霞橫接眼波來鬢垂香頸雲遮藕粉着蘭胸雪壓梅
莫道風流無宋玉好將心力事粧臺

倚醉

倚醉無端尋舊約却令惆悵轉難勝靜中樓閣深春雨
遠處簾櫳半夜燈抱柱立時風細細遶廊行處思騰騰

三五
分明牕下聞裁剪敲遍欄干喚不應

詠手

腕白膚紅玉笋芽調琴抽線露尖斜背人細燃垂煙鬢
向鏡輕勻襯臉霞悵望昔逢褰繡幔依稀曾見托金車
後園笑向同行道摘得藤蕪又一枝

擁鼻

擁鼻悲吟一向愁寒更轉盡未回頭綠屏無睡秋分簟
紅葉傷時月午樓却要因循添逸興若為趨競憶離憂
殷勤憑仗官渠水為到西溪動釣舟

晝寢

碧桐陰靜隔簾櫳扇拂金蛾玉簟烘撲粉更添香體滑
解衣惟見下裳紅頰襟乍觸冰壺冷倦枕徐欹寶髻鬆
何必苦勞魂與夢玉昌只在此牆東

偶見背面是夕兼夢

酥凝背胛玉搓肩輕薄紅綃覆白蓮此夜分明來入夢
當時惆悵不曾眠眼波向我無端艷心火因君特地燃
莫道人生難際會秦樓鸞鳳有神仙

有憶

晝漏迢迢夜漏遲傾城消息杳無期愁腸泥酒人千里
淚眼倚樓天四垂自笑計狂多獨語誰憐夢好轉相思

全五下言
何時斗帳濃香裏分付春風與玉兒

袅娜

袅娜腰肢淡薄粧六朝宮樣窄衣裳着詞但見櫻桃破
飛蓋遙聞豈寇香春惱情懷身覺瘦酒添顏色粉生光
此時不敢分明道風月應知暗斷腸

多情

天造多情不自持多情兼與病相宜蜂偷崖密初嘗處
鴛啄含桃欲咽時酒蕩襟懷微駭驤春牽情緒更融怡
水香剩注金盆裏瓊樹長須浸一枝

偶見

千金莫惜旱蓮生一笑從教下蔡傾仙樹有花難問種
御香聞氣不知名愁來自覺歌喉咽瘦去誰憐舞掌輕
小疊紅箋書恨字與奴方便寄知卿

閨情

輕風滴礫動簾鉤宿酒猶酣懶卸頭但覺夜深花有露
不知人靜月當樓何郎燭暗誰能詠韓壽香銷亦任偷
敲折玉釵歌轉咽一聲聲入兩眉愁

代小王家為蕃騎所虜後寄故集賢裴公相國

動天金鼓逼神州惜別無心學陸樓不得迴眸辭傅粉
便須含淚對殘秋折釵伴妾埋青塚半鏡隨郎葬杜郵

唯有此宵魂夢裏殷勤相覓鳳池頭

寒食日重遊李氏園亭有懷

往年曾在鸞橋上見倚朱欄詠柳綿今日獨來香徑裏
更無人跡有苔錢傷心濶別三千里屈指思量四五年
料得他鄉過佳節亦應懷抱暗淒然

懶起

百舌惱朝眠春心動幾般枕霞紅黯淡淚粉玉闌珊籠
繡香煙歇屏山燭焰殘暖憐羅襪窄瘦覺錦衣寬昨夜
三更雨臨明一陣寒海棠花在否側卧卷簾看

別緒

別緒靜悄悄牽愁暗入心已迴花渚棹悔聽酒壚琴菊
露淒羅幙梨霜側錦衾此生終獨宿到死誓相尋月好
知何計歌闌歎不禁山巔更高處憶上上頭吟

春悶偶成十二韵

阡陌懸雲壤欄畦隔艾芝路遙行雨嫩河濶過橋遲鴈
足應難達孤蹤浪得疑謝鯤吟未廢張碩夢堪思有意
通情處無言攏鬢時格高歸歛笑歌怨在嚙眉醉後金
蟬重歡餘玉燕歌素姿凌白奈圓頰請紅梨粉字題花
筆香牋詠柳詩繡牕攜手約芳草踏青期別淚開泉脉
春愁宵藕絲相思不相信幽恨更誰知

無題三首 并序

余自辛酉歲戲作無題十四韻故奉常王公相國首於繼和故內翰吳侍郎融令孤舍人渙閣下劉舍人崇譽吏部王員外渙相次屬和余因作第二首却寄諸公二內翰及小天亦再和余復作第三首二內翰亦三和王公一首劉紫微一首王小天二首二學士各三首余又倒押舊韻成第四首二學士笑謂余曰謹豎降旗何妍如是也遂絕筆是歲十月末余在內直一旦兵起隨駕西狩文藁咸棄更無子遺丙寅年九月

在福建寓止有前東都度支院蕪暉端公挈余淪落詩藁見授中得無題一首因追味舊作缺忘甚多唯第二第四首彷彿可記其第三首才得數句而已今亦依次編之以俟他時偶獲全本餘五人所和不復憶省矣

小檻移燈地空房鎖隙塵額波風盡日簾匝月侵晨香
瓣更衣後釵梁攏鬢新吉音聞詭計醉語近天真粧好
方長歎歡餘却淺嘖繡屏金作屋絲憶玉為輪致意通
綿竹精誠託錦鱗歌凝眉際恨酒發臉邊春溪紵殊輕
越樓簫豈羨秦柳虛襍沴氣梅實引芳津樂府降清唱

全五代詩 卷之九
宮厨減食珍防閑襟併斂恐妬淚休勻宿飲愁縈夢春
寒瘦著人手持雙苴菹的的為東鄰

碧瓦偏光日紅簾不受塵柳昏連綠野花爛爍清晨書
密偷看數情通破體新明言終未實暗祝始應真枉道
嫌偷藥推誠鄙效嘖合成雲五色宜在月中輪照獸金
塗爪釵魚玉鏤鱗渺瀰三島浪平遠一樓春墮髻還名
壽修娥本姓秦棹尋聞犬洞槎入飲牛津麟脯隨重釀
霜鱗間八珍錦衾霞彩爛羅襪研光勻羞澁伴牽伴嬌
嬈欲泥人偷兒難捉搦慎莫共比鄰

紫蠟融花蒂紅綿拭鏡塵夢狂翻惜夜粧懶厭凌晨茜

袖啼痕數香牋墨色新

從此
失記

第四倒押前韻

白下歸同路烏衣枉作鄰珮聲猶隔箔香氣已迎人酒
勸杯須滿書羞字不勻歌憐黃竹怨味實碧桃珍剪燭
非良筵當關是要津東阿初渡洛楊惲舊家秦粉化橫
波溢衫輕曉霧春鷓黃雙鳳翅麝月半魚鱗別袂翻如
浪迴腸轉似輪後期纔注脚前事又含嘖縱有才難詠
寧無畫逼真天香聞更有瓊樹見長新鬪草長更僕迷
闌悞達晨嗅花判不得檀注惹芳塵

妬媒

洞房深閉不曾開
橫卧烏龍作妬媒
好鳥豈須兼比翼
異花何必更重臺
難留旋逐鷺
去暫見如隨急電來
多為過防成後悔
偶因翻語得深猜
已嫌刻蠟春宵短
最恨鳴珂曉鼓催
應笑楚襄仙分薄
日中長是獨徘徊

六言三首

春樓處子傾城金陵狎客多情朝雲暮
被相迎華山梧桐相覆蠻江荳蔻連生幽歡不盡告別
秋河悵望平明

一燈前雨落夜三月盡草青時半寒半暖正好花開
謝相思惆悵空教夢見懊惱多成酒悲紅袖不乾誰會

揉損聯娟淡眉

此間青草更遠不唯空遶汀洲那裏朝日才出還應先
照西樓憶淚因成恨淚夢遊長續心遊桃源洞口來否
絳節霓旌久留

半睡

擡照仍嫌瘦更衣又怕寒宵分未歸帳半睡待郎看

早歸

去是黃昏後歸當朧臆時衣吟宿醉風露動相思

兩處

樓上淡山橫樓前溝水清憐山又憐水兩處總牽情

春閨二首

願結交加夢因傾漱灑尊醒來情緒惡簾外正黃昏
氤氳帳裏香薄薄睡時粧長吁解羅帶怯見上空牀

效崔國輔體四首

淡月照中庭海棠花自落獨立俯間階風動鞦韆索
酒力滋睡眸鹵莽聞街鼓欲明天更寒東風打牕雨
雨後碧苔院霜來紅葉樓間階上斜日鸚鵡伴人愁
羅幕生春寒繡牕愁未眠南湖夜來雨應溼采蓮船

宮詞

繡屏斜立正銷魂侍女移燈掩殿門燕子不歸花着雨

春風應自怨黃昏

閨怨

時光潛去暗淒涼嬾對菱花暈晚粧初拆鞦韆人寂寞
後園青草任他長

聯綴體

院宇明秋日日長社前一鴈別遼陽隴頭針線年年事
不喜寒砧擣斷腸

春恨

殘夢依依酒力餘城頭鴨鵝伴啼烏平明乍卷西樓幕
院靜初聞放轆轤

寒食夜

測測輕寒剪剪風杏花飄雪小桃紅夜深斜搭鞦韆索
樓閣朦朧細雨中

寒食夜有寄

風流大底是悵悵一度相思一斷腸雲薄月昏寒食夜
隔簾微雨杏花香

夏日

庭樹新陰葉未成玉階人靜下簾聲相風不動烏龍睡
時有幽禽自喚名

新秋

一夜清風動扇愁背時容色入新秋桃花臉裏汪汪淚
忍到更深枕上流

日高

朦朧猶認管絃聲瘵餘寒酒半醒春暮日高簾半捲
落花和雨滿中庭

夕陽

花前灑淚臨寒食醉裏回頭問夕陽不管相思人老盡
朝朝容易下西墻

夜深

清江碧草兩悠悠各自風流一種愁正是落花寒食雨

夜深無伴倚空樓

聞雨

香侵蔽膝夜寒輕
聞雨傷春夢不成
羅帳四垂紅燭背
玉釵敲著枕函聲

天涼

愁多却訝天涼早
思倦翻嫌夜漏遲
何處山川孤館裏
向燈彎盡一雙眉

已涼

碧闌干外繡簾垂
猩色屏風畫折枝
八尺龍鬚方錦褥
已涼天氣未寒時

深院

鶯兒啞嘒梳黃鬢
鳳子輕盈膩粉腰
深院下簾人晝寢
紅薔薇映碧芭蕉

中庭

夜短睡遲慵早起
日高方始出紗牕
中庭自摘青梅子
先向釵頭帶一雙

遶廊

濃煙隔簾香漏泄
斜鐙映竹光參差
遶廊倚檻更惆悵
微雨輕寒花落時

江樓二首

江樓二首

卷三九 闕

六

夢啼嗚咽覺無語杳杳微微望煙浦樓空客散燕交飛
江靜帆稀日亭午

鯉魚苦笋香味新楊花酒旗三月春風光百計牽人老
爭那多情是病身

重遊曲江

鞭稍亂拂暗傷情蹤跡難尋露草青猶是玉輪曾碾處
一泓秋水漲浮萍

偶見

鞦韆打困解羅裙指點醜醜索一尊見客入來和笑
手搓梅子映中門

復偶見三絕

霧為襟袖玉為冠半似羞人半忍寒別易會難長自歎
轉身應把淚珠彈

桃花臉薄難藏淚柳葉眉長易覺愁密迹未成當面笑
幾迴擡眼又低頭

半身映竹輕聞語一手揭簾微轉頭此意別人應未覺
不勝情緒兩風流

遙見

悲歌淚溼淡胭脂閒立風吹金縷衣白玉堂東遙見後
令人評說畫楊妃

踏青

踏青會散欲歸時金車久立頻催上收裙整髻故遲留
兩點深心各惆悵

忍笑

宮樣梳頭淺畫眉晚來粧飾更相宜水精鸚鵡釵頭顫
斂袂佯羞忍笑時

不見

動靜防閑又怕疑佯佯脉脉是沈機此身願作君家燕
秋社歸時也不歸

想得

兩重門裏玉堂前寒食花枝月午天想得那人垂手立
嬌羞不肯上鞦韆

密意

呵花貼鬢粘寒髮凝酥光透猩猩血經過洛水幾多人
惟有陳王見羅襪

寄恨

秦釵枉斷長條玉蜀紙空留小字紅死恨物情難會處
蓮花不肯嫁春風

鬆髻

髻根鬆慢玉釵垂指點庭花又過時坐久暗生惆悵事

背人勻却淚燕脂

新上頭

學梳蟬鬢試新裙消息佳期在此春為要好多心轉惑
遍將宜稱問傍人

半睡

眉山暗淡向殘燈一半雲鬟墜枕稜四體着人嬌欲泣
自家揉損研絲綾

蹤跡

東鳥西兔似車輪却笑桑田不復論惟有風光與蹤跡
思量長似暗消魂

思錄舊詩於卷上凄然有感因成一章

緝綴小詩鈔卷裏尋思閒事到心頭自吟自泣無人會
腸斷蓬山第一流

病憶

信知尤物必牽情一顧難酬覺命輕曾把禪機銷此病
破除纜盡又重生

詠柳

裏雨拖風不自持遍身無力向人垂玉纖折得遙相贈
便似觀音手裏時

哭花

全五代詩

卷三九

閩

十九

曾愁香結破顏遲今見妖紅委地時若是有情爭不哭
夜來風雨葬西施

履子

六寸膚圓光綴綴白羅繡屨紅託裏南朝天子欠風流
却重金蓮輕綠齒

詠燈

高在酒樓明錦幕遠隨漁艇泊煙江古來幽怨皆銷骨
休向長門背雨窗

全五代詩卷八十

羅江李調元雨村 編

閩

徐 夔

夔字昭夢莆田人登乾寧進士第授秘書省正
字依王審知後去歸隱延壽溪著有探龍釣磯

二集

後村徐先輩集序徐君端衡出其十一世祖唐正字公夔文集
又纂輯公遺事及年譜以示余按劉山甫誌墓詩賦外有著書

二十卷溫陵集十卷南渡初公族孫著作郎師仁作集序有雅道機要
一卷得于蔡君謨家者今皆不傳所傳者律賦及探龍集各五卷詩八
卷而已夫士不幸而不遇于當時所賴以自見于後世者書爾而公所
著之書皆羽化惟詩賦與儂語僅存豈不重可嘆歟然其僅存者已足
與子華致光並驅矣唐人尤重公賦目為錦繡堆日本諸國至以金書
人生幾何賦御溝水斬蛇劍詩等篇為屏障 後村跋語徐先輩唐季

全五代詩

閩

擢第不肯事朱梁歸死於菑其墓只書徐先輩與朱文公書晉處士陶
 潛何異先輩晚年有偶題詩云賦就長安振大名斬蛇功與樂天爭歸
 來延壽溪頭坐終日無人問一聲之句今鈞磯草堂基猶存至曾孫以
 薄俸能廉官卑不屈為王黃州所稱又詩如豐年甲子春無雨良夜庚
 申夏足眠身閑不厭常來客年艾偏憐最小兒又五言歲計懸僧債以
 此知閩人貧苦貸僧而取其息自唐已然矣 九國志黃常遊大梁以
 賦謁全忠誤觸其諱梁王色變黃狼狽欲遁去恐不得脫乃作過大梁
 賦以獻畧曰千金漢將感精魄以神交一眼愴夫望英風而膽落梁王
 得賦大喜遺縑五百疋蓋全忠曾夢淮陰侯指授兵法而晉王克用則
 眇一目者也已而走歸鄉里審知禮待簡畧不能平一旦拂衣去 十
 國春秋黃初登第試止戈為武賦一燭裁盡已就有破山加點擬成無
 人之句禮部侍郎李擇覽而奇之賞賦膾炙人口黃滔為武節度推
 官審知餽以魚膾滔與黃方接譚即請黃為謝賤黃援筆即書云銜諸
 斷索裁從羊續懸采列在瑯盤使到馮驩食處時人大稱之其最著者
 過驪山賦畧曰融金液雪跡下地之江河帖玉懸珠皎窮泉之日月斬
 蛇劍賦畧曰空山吞象之蛇豈紀蓮鐳大澤銜珠之血不汚星光句踐
 進曲施賦畧曰粧成而瑞玉凝彩以服麗而朝霞剪紅御溝水賦畧云時
 時而翡翠隨波飛穿禁柳往往而鴛鴦逐浪銜出宮花他賦多類此
 湧幢小品黃妻字月君與黃偕隱黃有贈內
 詩云神傳尊勝陀羅咒佛授金剛般若經

昔遊

昔遊紅杏苑今隱刺桐村歲計懸僧債科名負國恩不
 書眠漸穩頻鑷鬢無根惟有經邦事年年志尚存

北山秋晚

十載衣裘盡臨寒隱薜蘿心閑緣事少身老愛山多玉
 露催收菊金風促剪禾燕秦正戎馬林下好婆婆

旅次寓題

胡為名利役來往老關河白髮隨梳少青山入夢多途
 窮憐抱疾世亂恥登科却起漁舟念春風釣綠波

題南寺

金五仁言 卷八
久別猿啼寺流年劫逝波舊僧歸塔盡古瓦長松多壁
蘚昏題記窓螢散薜蘿平生英壯節何故旋消磨

題僧壁

香厨流瀑布獨院鎖孤峰紺髮青螺長文茵紫豹重
卵枯皆化燕窩老却成蜂明月留人宿秋聲夜著松

河流

洪流盤砥柱淮濟不同波莫訝清時少都緣曲處多
遠能通玉塞高復接銀河大禹成門嶮為龍始得過

釣臺

金門誰奉詔碧岸獨垂釣舊友祇樵叟新交惟野鷗嘉

名懸日月深谷化陵丘便可招巢父長川好飲牛

和人經隋唐間戰處

孤軍前度戰一敗一成功卷旆早歸國卧屍猶臂弓
草間腥半在沙上血殘紅傷魄何為者五湖垂釣翁

追和常建歎王昭君

紅顏如朔雪日燦忽成空淚盡黃沙雨塵消白草風
君心爭不悔妾恨竟何窮願化南飛燕年年入漢宮

贈嚴司直

承家居關下避世出關東有酒劉伶醉無兒伯道窮
新詩吟閣賞舊業釣臺空雨雪還相訪心懷與我同

贈董先生

壽歲過於百時閒到上京餐松雙鬢嫩絕粒四肢輕雨
雪思中嶽雲霞夢赤城來年期受籙何處待先生

贈東方道士

葫蘆窓畔挂是物在其間雪色老人髻桃花童子顏
星秋卜日採藥曉登山舊訪長生鹿時銜瑞草還

弔崔補闕

近來吾道少慟哭博陵君直接巖前竹孤魂嶺上雲
縉紳傳確論丞相取遺文廢却中興策何由免用軍

弔赤水李先生

三年悲過隙一室類消冰妻病入仙觀子窮隨嶽僧
荒邱寒有雨古屋夜無燈往日清猶著金門幾欲徵

蜀葵

劍門南面樹移向會仙亭錦水饒花艷岷山帶葉青
文君慚婉婉神女讓娉婷爛熳紅兼紫飄飄入繡局

雞

名參十二屬花入羽毛深守信催朝日能鳴送曉陰
我冠裝瑞壁利爪削黃金徒有稻梁感何由報德音

白鴿

舉翼凌空碧依人大邦粉翎棲畫閣雪影拂瓊窓振

鷺堪為侶鳴鳩好作雙
狎鷗歸未得覩爾憶晴江

龜

行止竟何從深溪與古峰
青荷巢瑞質綠水返靈蹤
鑽骨神明應酬恩感激重
仙翁求一卦何日脫龍鍾

銀結條冠子

日下徵良匠宮中贈阿嬌
瑞蓮開二朶瓊縷織千條
蟬翼輕輕結花紋細細挑
舞時紅袖舉纖影透龍綃

酒胡子

紅筵絲竹合用爾作歡娛
直指寧偏黨無私絕覲覲
當歌誰擲袖應節漸輕軀
恰與真相似羶裘滿領鬚

香鴨

不假陶鎔妙誰教羽翼全
五金池畔質百和口中煙
紫鈍魚難啄心空火自燃
御爐如有闡須進聖君前

依溫飛卿華清宮二十二韻

地靈蒸水暖天氣待宸遊
嶽拱蓮花秀峰高玉蕊秋
朝元雕翠閣乞巧繡瓊樓
碧海供驪嶺黃金絡馬頭
五王更入帳七貴迭封侯
夕雨鳴鴛瓦朝陽暉柘表
伊臯爭負鼎舜禹讓垂旒
墮珥閒應拾遺釵醉不收
飛煙鳴劍戟殘月照旌旒
旒履朔求衣早臨陽解佩
羞宮詞裁錦段御筆落銀鈎
帝里新豐縣長安舊雍州
雪衣傳貝葉蟬

鬢插山榴對景瞻
瑤兔昇天駕
綠虬此言遊月宮羽書陳北虜
元甲擐犀牛
聖詰多屯否
生靈少怨尤
穹旻當有輔
帷幄豈無籌
鳳態傷紅豔
鸞輿緩紫駟
樹名端正在人欲
夢魂休識語
山傍鬼塵銷
隴畔邱重來
芳草恨往事
落花愁五十年
鴻業東憑渭水流

東風解凍省試

暖氣飄蘋末
凍痕消水中
扇冰初覺泮
吹海旋成空
入律三春照
朝宗萬里通
岸分天影濶
色照日光融
波起搖輕綠
鱗遊乍躍紅
殷勤排弱羽
飛翥趁和風

尚書命題瓦硯

遠向端溪得
皆因郢匠成
鑿山青靄斷
琢石紫花輕
散墨松香起
濡毫藻句清
入臺知價重
著匣恐塵生
守黑還全器
臨池早著名
春闈攜就處
軍幙載將行
不獨雄文陣
兼能助筆耕
莫嫌涓滴潤
深染古今情
洗處無瑕玷
添時識滿盈
蘭亭如見用
敲夏有金聲

釣絲竹

籊籊拂清流
堪維舴艋舟
野蟲懸作餌
溪月曲為鉤
雨潤搖堦長
風吹繞指柔
若將諸樹比
還使綠楊羞
蟬婦非堯女
漁人是子猷
湖邊舊栽處
長映讀書樓

和僕射二十四大牡丹八韵

帝王城裏看無故亦無新忍摘多緣借移栽未有因光
陰嫌太促開落一何頻羞殺登牆女饒將解佩人甚堪
靈鳳啄香許白龍親素練籠霞曉紅粧帶臉春莫辭終
夕醉易老少年身買取歸天上寧教逐世塵

公子行

十五轅門學控弦六街騎馬去如煙金多倍着牡丹價
髮白未知章甫賢有耳不聞經國事拜官方買謝恩錢
相如謾說凌雲賦四壁何曾有一錢

漢宮新寵

位在嬪妃最上頭笑他長信女悲秋日斜月滿可能久

花落色衰殊未憂宮主鏡中爭翠羽君王袖裏奪金鈎
妾家兄弟知多少恰要同時拜列侯

上陽宮詞

點點苔錢上玉墀日斜空望御樓西粧臺塵暗青鸞掩
宮樹月明黃鳥啼庭草可憐分雨露君恩深恨隔雲泥
銀蟾借與金波路得入重輪伴羿妻

開元即事

曲江真宰國中訛尋奏漁陽忽荷戈堂上有兵天不用
幄中無策印空多楊國忠時無諸使館三十二課印塵驚騎透潼關鎖雲護
龍遊渭水波未必蛾眉能破國千秋休恨馬嵬坡

華清宮

十二瓊樓鏤翠微暮霞遺却六銖衣桐枯丹穴鳳何去
天在崑湖龍不歸簾影罷添新翡翠露華猶濕舊珠璣
君王魂斷驪山路且向蓬瀛伴貴妃

再幸華清宮

腸斷將軍改葬歸錦囊香在憶當時年來却恨相思樹
春至不生連理枝雪女塚頭瑤草合貴妃池裏玉蓮衰
霓裳舊曲飛霜殿夢破魂驚絕後期

李翰林

謫下三清第幾班獲調羹鼎侍龍顏吟開瑣闥窺天近

醉卧金鑿待詔閒舊隱不歸劉備國旅魂長寄謝公山
遺編往簡應飛去散入祥雲瑞日間

聞長安庚子歲事

羽檄交馳觸冕旒函關飛入鐵兜鍪皇王去國未為恨
寰海失君方是憂五色大雲凝蜀郡幾般妖氣撲神州
唐堯縱禪乾坤位不是重華莫漫求

詠懷

愁花變出白髭鬚半世辛勤一事無道在或期君夢想
貧不爭奈鬼揄馬卿自愧長櫻疾顏子誰憐不是愚
借取秦宮臺上鏡為時開照漢妖狐

偶吟

千卷長書萬首詩朝蒸藜藿暮烹葵清時名立難皆我
晚歲途窮亦問誰碧岸釣歸惟獨笑青山耕徧亦何為
尋常抖擻懷中策可便降他兩鬢絲

偶書

巧者多為拙者資良籌第一在乘時市門逐利終身飽
谷口躬耕盡日饑瓊玖嚮來燕石貴蓬蒿芳處楚蘭衰
高皇冷笑重瞳客蓋世拔山何所為

偶題

閒補亡書見廢興偶然前古也填膺秦宮猶自拜張祿

楚幕不知留范增大道豈全闕歷數雄圖強半屬賢能
燕臺財力知多少誰築黃金到九層

寓題

酒壺棋局似閒人竹笏藍衫老此身託客買書重得卷
愛山移宅近為鄰鳴蛩閣上風吹病落葉庭中月照貧
見說天池波浪濶也應涓滴濺窮鱗

寓題述懷

大道真風早晚存妖訛成俗汗乾坤宣尼既沒蘇張起
鳳鳥不來雞鵲喧芻豢可能供驥子草多誰復訪蘭蓀
堯庭忘却徵元凱天關重開十二門

退居

鶴舍松心合在山五侯門館怯趨攀三年卧病不能免
一日受恩方得還明月送人沿驛路白雲隨馬入柴關
笑他范蠡貪林甚相羅金多始退閒

閉門

閉却閉門卧竹房更何人與療膏育一生有酒唯知醉
四大無根可預量骨冷欲針先覺痛肉頑頻灸不成瘡
漳濱伏枕文園渴盜跖縱橫似虎狼

招隱

齒髮那能敵歲華早知休去遮塵沙鬼神只闕高明里

倚伏不干棲隱家陶景豈全輕組綬留侯非獨愛煙霞
贈君吉語堪銘座右看取朝開暮落花

溪隱

將名將利已無緣深隱清溪擬學仙絕却腥羶勝服藥
斷除杯酒合延年蝸牛殼滿寧同舍榆莢花開不是錢
鸞鶴久從籠檻閉春風却放紙為鳶

開窓

閉戶開窓寢又興三更時節也如水長閒便是忘機者
不出真如結夏僧環堵豈慚蝸作舍布衣寧假鶴為翎
薔薇花盡薰風起綠葉空隨滿架藤

酒醒

酒醒欲得適閒情
騎馬邛勝策杖行
天暖天寒三月暮
溪南溪北兩川名
沙澄淺水魚知釣
花落平田鶴見耕
望斷長安故交遠
來書未說九河清

勸酒

休向尊前慙羽觥
百壺清酌與君傾
身同綠樹年年老
事比紅塵日日生
六國英雄徒反覆
九原松柏甚分明
醉鄉路與乾坤隔
豈信人間有利名

斷酒

因論沈酒覺前非
便碎金罍與羽卮
採茗早馳三蜀使

看花甘負五侯期
窓間近火劉伶傳
坐右新銘管仲辭
此事十年前已說
匡廬山下老僧知

夢斷

夢斷紗窓半夜雷
別君花落又花開
漁陽路遠書難寄
衡嶽山高月不來
元燕有情巢繡戶
靈龜無應祝金杯
人生若得長相對
螢火生煙草化灰

鬢髮

鬢添華髮數莖新
羅雀門前絕故人
減食為緣疎五味
不眠非是守庚申
深園綠竹齊抽笋
古木青蛇自脫鱗
天地有爐長鑄物
濁泥遺塊待陶鈞

綠鬢

綠鬢先生自出林孟光同樂野雲深躬耕為食古人操
非織不衣賢者心眼衆豈能分瑞壁舌多須信爍良金
君看黃閣南遷客一過瀧州絕好音

人事

人事飄如一炷煙且須求佛與求仙豐年甲子春無雨
良夜庚申夏足眠顏氏豈嫌瓢裡飲孟光非取鏡中妍
平生生計何為者三逕蒼苔十畝田

龍蟄

龍蟄蛇蟠却得伸和光何惜且同塵伍員豈是吹簫者

冀缺非同執耒人神劍觸星應變化良金成器在陶鈞
穰侯休忌關東客張祿先生竟相秦

休說雄才間代生到頭難與運相爭時通有詔徵枚乘
世亂無人薦禰衡逐日莫矜駑馬步司晨誰要牝雞鳴
林中且作煙霞侶塵滿闕河未可行

草木

草木無情亦可嗟重開明鏡照無涯荆英空折羅含宅
榆莢不生原憲家天命豈憑醫藥石世途還要辟蟲沙
仙翁乞取金盤露洗却蒼蒼兩鬢華

休說

休說人間有陸沈一樽閒待月明斟時來不怕滄溟濶
道大却憂潢潦深白首釣魚應是分青雲干祿已無心
梓桐賦罷相如隱誰為君前永夜吟

嘉運

嘉運良時兩阻修釣竿蓑笠樂林邱家無寸帛渾閒事
身似浮雲且自由庭際鳥啼花落潭心月在水空流
晨炊一箸紅銀粒憶着長安索米秋

潤屋

潤屋豐家莫妄求眼看多是與身雠百禽羅得皆黃口
四皓山居始白頭玉爍火光爭肯變草芳崎岸不曾秋

朱門粉署何由到空寄新詩謝列侯

驕侈

驕侈沾危儉素牢鏡中形影豈能逃石家恃富身還滅
顏子非貧道不遭蝙蝠亦能知日月鸞凰那肯啄腥臊
古今人事惟堪醉好脫霜裘換綠醪

不把魚竿

不把魚竿不灌園策筇吟遶綠蕪村得爭野老眠雲樂
倍感閩王與善恩鳥趁竹風穿靜戶魚吹煙浪噴晴軒
何人買我安貧趣百萬黃金未可論

逐臭蒼蠅

逐臭蒼蠅豈有為清蟬吟露最高竒多藏苟得何名富
飽食嗟來未勝饑窮不妨延壽考貪狂總待算毫釐
首陽山翠千年在好奠冰壺弔伯夷

嵐似屏風

嵐似屏風草似茵草邊時膾錦花鱗山中宰相陶宏景
谷口耕夫鄭子真官達到頭思野逸才多未必笑清貧
君看東洛平泉宅只有年年百卉春

十里煙籠

十里煙籠一徑分故人迢遞久離羣白雲明月皆由我
碧水青山可贈君浮世宦名渾似夢半生勤苦謾為文

北邙坡上清松下盡是銜金佩玉墳

古往今來

古往今來恨莫窮不如沈醉卧春風雀兒無角長穿屋
鸚鵡能言却入籠柳惠豈嫌居下位朱雲直去拍三公
閒思郭令長安宅草沒匡牆舊事空

日月無情

日月無情也有情朝昇夕沒照均平雖催前代英雄死
還促後來賢聖生三尺靈烏金借耀一輪飛鏡水饒清
憑誰築斷東溟路龍影蟾光免運行

詠寫真

寫得哀容似十全閒開僧舍靜時懸瘦于南國從軍日
老却東堂射策年潭底看身寧有異鏡中引影更無偏
借將前輩真儀比未愧金鑿李謫仙

失題

擣月耕煙水國春薄徒應笑作農人皇王尚法三推禮
白社寧忘四體勤雨灑蓑衣芳草暗烏啼雲樹小村貧
猶勝墮力求餐者五斗低腰走世塵

客廳

移却松筠致客廳淨泥環堵貯荷香衡茅只要免風雨
藻枕不須高棟梁豐蔀仲尼時演易作歌五子恨雕牆

燕臺漢閣王侯事青史千年播耿光

郊亭

駕尾虹梁計已疎織茅編竹稱貧居剪平恰似山僧笠
掃淨真同道者廬秋晚捲簾看過雁月明憑檻數跳魚
重門公子應相笑四壁風霜老讀書

新葺茅屋

二首

翦竹誅苑就水濱靜中還得保天真只聞神鬼害盈滿
不見古今爭賤貧樹影便為廊廡屋草香權當綺羅茵
堦前一片泓澄水借與汀禽活紫鱗

耨水耕山息故林壯圖嘉話負前心素絲髻上分愁色

絡緯床頭和苦吟
筆硯不才當付火
方書多誑罷燒金
同年二十八君子
遊楚遊秦斷好音

新屋


耳順何為土木勤
叔孫牆屋有前聞
縱然一世如紅葉
猶得十年吟白雲
性逸且圖稱野客
才難非敢傲明君
清甜數尺沙泉井
平與鄰家晝夜分

此園



北園乾葉旋空枝
蘭蕙還將眾草衰
籠鳥上天猶有待
病龍興雨豈無期
身閒不厭頻來客
年老偏憐最小兒
生事罷求名與利
一窓書策是年支

門外閒田數畝長有泉源築直堤分為兩沼

左右澄漪小檻前
直堤高築古平川
十分春水雙簷影
一片秋空兩月懸
前岸好山稱細浪
夾門嘉樹合晴煙
坐來暗起江湖思
速問溪翁買釣船



全五子言



金
五
十
言

